

摛藻堂四庫全書薈要

集部

欽定四庫全書會要

集部

御定全唐詩卷三百九十九

六至

詳校官員補遺政司經歷臣郭祚熾



欽定四庫全書
欽定全唐詩卷三百九十六

集部

御定全唐詩卷三百九十六

元稹

元稹字微之河南河內人幼孤母鄭賢而文親授書傳舉明經書判入等補校書郎元和初應制策第一除左拾遺歷監察御史坐事貶江陵士曹參軍徙通州司馬自虢州長史徵為膳部員外郎拜祠部郎中知制誥召入翰林為中書舍人承旨學士進工部侍郎同平章事

未幾罷相出為同州刺史改越州刺史兼御史大夫浙
東觀察使太和初入為尚書左丞檢校戶部尚書兼鄂
州刺史武昌軍節度使年五十三卒贈尚書右僕射稹
自少與白居易倡和當時言詩者稱元白號為元和體
其集與居易同名長慶今編詩二十八卷

思歸樂

山中

一作
我作

思歸樂盡作思歸鳴爾是此山鳥安得失鄉

名應緣此山路

一作
寄跡

自古離人征陰愁感和氣俾爾從

此生我雖失鄉去我無一作失鄉情慘舒在方寸寵辱

將何驚浮生居大塊尋丈可寄形

一作身

安即形樂豈

獨樂咸京命者道之本死者天之平安問遠與近何言

殤與彭君看趙工部八十支體輕交州二十載一到

一作

始長安城長安不須更復作交州行交州又累歲移鎮

廣與荆

一作移鎮
值江陵

歸朝新天子濟濟為上卿肌膚無瘴

色飲食康且寧長安一晝夜死者如賣星喪車四門出

何闌炎瘴縈況我三十二

一作餘

百年

一作年來

未半程江陵

道塗近楚俗雲水清遐想玉泉寺久聞峴山一作久欲登斯亭

此去盡綿歷豈無心賞并紅餐日充腹碧澗朝析醒開

門一作釀酒

待賓客寄書安弟兄間窮四聲韻悶閱九部經

身外皆委順

一作無所求

眼前隨所營此意久已定誰能求

苟榮所以官甚小不畏權

一作朝野已

勢傾傾心豈不易巧

詐神之刑萬物有本性況復人性

一作至

靈金埋無土色

玉墜無瓦聲劙折有寸利鏡破有片明我可俘為囚我

可刃為兵我心終不死金石貫以誠此誠患不至

一作立

誠至

一作雖因

道亦亨微哉滿山鳥叫噪何足聽

春鳩

春鳩與百舌音響詎同年如何一時語俱得春風憐猶

知化工

一作造物

意當春不生蟬免教爭叫噪沸渭桃花前

春蟬

我自東歸日厭苦春鳩聲作詩憐化工不遣春蟬生及
來商山道山深氣不平春秋兩相似蟲豸百種鳴風松
不成韻蜩螗沸如羹豈無朝陽鳳羞與微物爭安得天

上雨奔渾河海傾蕩滌反時氣然後好晴明

兔絲

人生莫依倚依倚事不成君看兔絲蔓依倚榛與荆荆
榛易蒙密百鳥掠亂鳴下有狐兔穴奔走亦縱橫樵童
斫將去柔蔓與之并翳薈生可恥束縛死無名桂樹月
中出珊瑚石上生俊鶻度海食應龍升天行靈物本特
達不復相纏縈纏縈竟何者荆棘與飛莖

古社

古社基阤在人散社不神惟有空心樹妖狐藏魅人狐
惑意顛倒臊腥不復聞丘墳變城郭花草仍荆榛良田
千萬頃占作天荒田主人議芟斫怪見不敢前那言空
山燒夜隨風馬一作長奔飛一作壯聲鼓鼙震高峽旗幟飄
逐巡荆棘盡孤兔無子孫孤死魅人滅煙消壇壝存繞
壇舊田地給授有等倫農收村落盛社樹新圍圓社公
千萬歲永保邨中民

松樹

華山高幢幢

一作憧憧

上有高高松株株遙各各葉葉相重

重槐樹夾道植枝葉俱冥蒙既無貞直榦復有胥挂蟲

何不種松樹使

一作種

之搖清風秦時已曾種顛頽種不

供可憐孤松意不與槐樹同間在高山頂樛盤虬與龍

屈為大廈棟庇蔭侯與公不肯作行伍俱在塵土中

芳樹

芳樹已寥落孤英尤可嘉可憐團團

一作圓

葉益覆深深

花遊蓬競鑽刺鬪雀亦紛拏天生細碎物不愛好光華

非無殲殄法念爾有生涯春雷一聲發驚燕亦驚蛇清
池養神蔡已復長蝦蔓雨露貴平施吾其春草芽

桐花

朧月上山館紫桐垂好陰可惜暗澹色無人知此心舜
沒蒼梧野鳳歸丹穴岑遺落在人世光華那復深年年
怨春意不競桃杏林唯占清明後牡丹還復侵況此空
館閑云誰恣幽尋徒煩鳥噪集不語山嶽岑滿院青苔
地一樹蓮花簪自開還自落暗芳終暗沈爾生不得所

我願裁為琴安置君王側調和元首音安問宮徵角先
辨雅鄭淫宮弦春以君君若春日臨商弦廉以臣臣作
旱天霖人安角聲暢人困鬪不任羽以類萬物祆物神
不歆徵以節百事奉事罔不欽五者苟不亂天命乃可
忧君若問孝理彈作梁山吟君若事宗廟拊以和球琳
君若不好諫願獻觸疏箴君若不罷獵請聽荒于禽君
若侈臺殿雍門可霑襟君若傲賢雋鹿鳴有食芩君聞
祈招什車馬勿駿駿君若欲敗度中有式如金君聞薰

風操志氣在愔愔中有阜財語勿受來獻縣北里當絕
聽禍莫大於姪南風苟不競無往遺之擒姦聲不入耳
巧言寧孔士集音亦云革安得沴與祲天子既穆穆羣
材亦森森劒士還農野絲人歸織紅丹鳳巢阿閣文魚
游碧潯和氣浹寰海易若溉蹄岑改張乃可鼓此語無
古今非琴獨能爾事有諭因鍼感爾桐花意間怨杳難
禁待我持斤斧置君為大琛

雉媒

雙雉在野時可憐同嗜欲毛衣前後成一種文章足一
雉獨先飛衝開芳草綠綱羅幽草中暗被潛羈束剪刀
摧六翮絲線縫雙目啖養能幾時依然已馴熟都無舊
性靈返與他心腹置在芳草中翻令誘同族前時相失
者思君意彌篤朝朝舊處飛往往巢邊哭今朝樹上啼
哀音斷還續遠見爾文章知君草中伏和鳴忽相召鼓
翅遙相矚畏我未肯來又啄翳前粟斂翮遠投君飛馳
勢奔蹙胥挂君前向君聲促促信君決無疑不道君

相覆自恨飛太高疎羅偶然觸看看架上鷹擬食無罪
肉君意定何如依舊雕籠宿

箭鎗

箭鎗本求利淬礪良甚難礪將何所用礪以射凶殘不
礮射不入不射人不安為盜即當射寧問私與官夜射
官中盜中之血闌干帶箭君前訴君王悄不歡頃曾為
盜者百箭中心攢競將兒女淚滴瀝助辛酸君王責良
帥此禍誰為端帥言發硎罪不使刃稍利君王不忍殺

逐之如逆丸仍令後來箭盡可頭團團發硎去雖遠礪
鏃心不闌會射蛟螭盡舟行無惡瀾

賽神

村落事妖神林木大如邨事來三十載巫覡傳子孫邨
中四時祭殺盡一作盡殺雞與豚主人不堪命積燎曾欲燔
旋風天地轉急雨江河翻採薪持斧者棄斧縱橫奔山
深多掩映僅免鯨鮀吞主人集鄰里各各持酒樽廟中
再三拜願得禾稼存去年大巫死小覡又妖言邑中神

明宰有意效西門
焚除計未決伺者迭乘軒廟深荆棘
厚但見孤兔蹲巫言小神變可驗牛馬蕃邑吏齊進說
幸勿禍鄉原踰年計不定縣聰良亦煩涉夏祭時至因
令修四垣憂虞神憤恨玉帛意彌敦我來神廟下簫鼓
正喧喧因言遣妖術滅絕由本根主人中罷舞許我重
疊論蜉蝣生濕處鴟鴞集黃昏主人邪心起氣燄日夜
繁狐狸得蹊徑潛穴主人園腥臊襲左右然後託丘樊
歲深樹成就曲直可輪轅幽妖盡依倚萬怪之所屯主

人一心好四面無籬藩命樵執斤斧怪木寧遽髡主人
且傾聽再為諭清渾阿膠在末派罔象游上源靈藥逡
巡盡黑波朝夕噴神龍厭流濁先伐鼈與龜鼈在龍
穴妖氣常鬱溫主人惡淫祀先去邪與惛惛邪中人意
蠹禍蝕精魂德勝妖不作勢強威亦尊計窮然後賽後
賽復何恩

大觜鳥

陽鳥有二類觜白者名慈求食哺慈母因以此名之飲

啄頤廉儉音響亦柔雌百巢同一樹棲宿不復疑得食
先反哺一身常苦羸緣知五常性齷被衆禽欺其一觜
大者攫搏性貪癡有力強如鶻有爪利如錐音聲甚咷
喟潛通妖怪詞受日餘光庇終天無死期翬翔富人屋
棲息屋前枝巫言此烏至財產日豐宜主人一心惑誘
引不知疲轉見鳥來集自言家轉孳白鶴門外養花鷹
架上維專聽烏喜怒信受若神龜舉家同此意彈射不
復施往往清池側却令鵠鷺隨羣鳥飽梁肉毛羽色澤

滋遠近恣所往貪殘無不為巢禽搜離卵廄馬啄瘡痍
滲憑脂膏盡鳳皇那得知主人一朝病爭向屋檐窺吻
嗁呼羣鵬翩翻集怪鷗主人偏養者嘯聚最奔馳夜半
仍驚噪鳩鵠逐老狸主人病心怯燈火夜深移左右雖
無語奄然皆淚垂平明天出日陰魅走參差烏來屋檐
上又惑主人兒兒即富家業玩好方愛竒占募能言鳥
置者許高貲隴樹巢鸚鵡言語好光儀美人傾心獻離
籠身自持求者臨軒坐置在白玉墀先問鳥中苦便言

烏若斯衆鳥齊搏鑠翠羽幾離披遠擲千餘里美人情
亦哀舉家懲此患事烏踰昔時向言池上鷺啄肉寢其
皮夜漏天終曉陰雲風定吹況爾烏何者數極不知危
會結彌天網盡取一無遺常令阿閣上宛宛宿長離

分水嶺

崔嵬分水嶺高下與雲平上有分流水東西隨勢傾朝
同一源出暮陽千里情風雨各自異波瀾相背驚勢高
競奔注勢曲已回縈偶值當途石蹙縮又縱橫有時遭

孔穴變作嗚咽聲褊淺無所用奔波奚所營團團井中
水不復東西征上應美人意中涵孤月明旋風四面起
井深波不生堅冰一時合井深凍不成終年汲引絕不
耗復不盈五月金石鑠既寒亦既清易時不易性改邑
不改名定如拱北極瑩若燒玉英君門客如水日夜隨
勢行君看守心者井水為君盟

四皓廟

巢由昔避世堯舜不得臣伊呂雖急病湯武乃可君四

賢胡為者千載名氣氤氳顯晦有遺迹前後疑不倫秦政
虐天下黷武窮生民諸侯戰必死壯士眉亦噴張良韓
孺子椎碎屬車輪遂令英雄意日夜思報秦先生相將
去不復嬰世塵雲卷在孤岫龍潛為小鱗秦王轉無道
諫者鼎鑊親茅焦脫衣諫先生無一言趙高殺二世先
生如不聞劉項取天下先生游白雲海內八年戰先生
全一身漢業日已定先生名亦振不得為濟世宜哉為
隱淪如何一朝起屈作儲貳賓安存孝惠帝摧頽戚夫

人舍大以謀細艸盤而雙伸惠帝竟不嗣呂氏禍有因
雖懷安劉志未若周興陳皆落子房術先生道何屯出
處貴明白故吾今有云

御定全唐詩卷三百九十六

欽定四庫全書會要卷一萬七千八百二

集部

御定全唐詩卷三百九十七

元稹

青雲驛

嵒嵬青雲嶺下有千仞谿裴回不可上人倦馬亦嘶願
登青雲路若望丹霞梯謂言青雲驛繡戶芙蓉閨謂言
青雲騎玉勒黃金蹄謂言青雲具瑚璉雜并一作象犀謂
言青雲吏的的顏如珪懷此青雲望安能復久稽一作棲

攀援一作路信不易風雨正淒淒已怪杜鵑鳥先來山下

啼纔及青雲驛一作歸家塵露暗忽遇蓬蒿妻延我開草戶鑿

竇宛如圭逡巡吏來謁一作叙別頭白顏色黧饋食頻叫
噪假器仍乞醯嚮時延我者共捨一作拾藿與藜乘我牂

牁馬蒙革大如瓶悔為青雲意此意良噬臍昔游蜀門

一本缺一作閑下有驛名青泥聞名意慘愴若墜牢與狴雲泥

異所稱人物一以齊復聞閭閻上下視日月低銀城築
珠殿玉版金字題大帝直南北羣仙侍東西龍虎儼隊

仗雷霆轟鼓鼙元君理庭內左右桃花蹊丹霞爛成綺

景素一作

雲輕若綿天池光灔灔瑤草綠萋萋衆真千萬

輩柔顏盡如羨手持鳳尾扇頭戴翠羽笄雲韶互鏗戛

霞服相提攜雙雙發皓齒各各揚輕桂天祚樂未極溟

波浩無隄穢賤靈所惡安肯問黔黎桑田變成海寓縣

烹為甕虛皇不願見雲霧重重翳大帝安可夢闇闔何

由躋靈物可見者願以諭端倪蟲蛇吐雲氣妖氛變虹

蜺獲麟書諸冊豢龍醢為餽鳳皇占梧桐叢雜百鳥棲

野鶴啄腥蟲貪饕不如雞山鹿藏窟穴虎豹吞其麝靈
物比一作此靈境冠履寧甚睽道勝即為樂何慙居稗稊
金張好車馬於陵親灌畦在梁或在火不變玉與鵝上
天勿行行潛穴勿悽悽吟此青雲諭達觀終不迷

陽城驛

商有陽城驛名同陽道州陽公沒已久感我淚交流昔
公孝父母行與曾閔儔既孤善兄弟兄弟和且柔一夕
不相見若懷三歲憂遂誓不婚娶沒齒同衾稠妹夫死

他縣遺骨無人收公令季弟往公與仲弟留相別竟不得三人同遠遊共負他鄉骨歸來藏故丘棲遲居夏邑邑人無苟偷里中競長短來問劣與優官刑一朝恥公短終身羞公亦不遺布人自不盜牛問公何能一作德爾忠信先自修發言當道理不顧黨與讐聲香漸翕習冠蓋若雲浮少者從公學老者從公遊往來相告報縣尹與公侯名落公卿口湧如波薦一作數萬舟天子得聞之書下再三求書中願一見不異旱地一作呈天虹何以持為聘

束帛藉琳球何以持為御駟馬駕安輶公方伯夷

一作云自

捷操事殷不事周我實唐士庶食唐之田疇我聞天子

憶安敢專自由來為諫大夫朝夕侍冕旒希夷惇薄俗

密勿獻良籌神醫不言術人瘼曾暗瘳月請諫官俸諸

弟相對謀皆曰親戚外酒散目前愁公云不有爾安得

此嘉猷施餘盡酷酒客來相獻酬日旰不謀食春深仍

弊裘人心良戚戚我樂獨由由

一作油油

貞元歲云暮朝有

曲如鉤風波勢奔蹙日月光綢繆齒牙屬為猾禾黍暗

生蟲豈無司言者肉食吞其喉豈無司搏者利柄扼其
一作 聽鼻復勢氣塞不得辯薰蕕公雖未顯諫惴惴如
患瘤飛章八九上皆若珠暗投炎炎日將熾積燎無人

抽公乃帥其屬決諫同報仇延英殿門外叩閣仍叩頭
且曰事不止臣諫誓不休上知不可遏命以美語酬降
官司成署俾之為贊疣姦心不快活擊刺礪戈矛終為
道州去天道竟悠悠遂令不言者反以言為訛嘆舌坐
成木鷹鶠化為鳩避權如避虎冠豸如冠猴平生附我

者詩人稱好逑私來一執手恐若墜諸溝送我不出戶
決我不迴眸唯有太學生各具糧與糇咸言公去矣我
亦去荒陬公與諸生別步步駐行騶有生不可訣行行
過閩甌為師得如此得為賢者不道州聞公來鼓舞歌
且謳昔公居夏邑狎人如狎鷗况自為刺史豈復援鼓
桴滋章一時罷教化天下遭炎瘴不得老英華忽已秋
有鳥哭揚震無兒悲鄧攸唯餘門弟子列樹松與楸今
來過此驛若弔汨羅洲祠曹諱羊祜此驛何不侔我願

避公諱名為避賢郵此名有深意蔽賢天所尤吾聞玄
元教日月冥九幽幽陰蔽翳者永為幽翳一作陰囚

苦雨

江瘴氣候惡庭空田地蕪煩昏一日內陰暗三四殊巢
燕汚牀席蒼蠅點肌膚不足生詬怒但苦寡歡娛夜來
稍清晏放體階前呼未飽風月思已為蚊蚋圖我受簪
組身我生天地爐炎蒸安敢勦蟲豸何時無凌晨坐堂
廡努力泥中趨官家事不了尤悔亦可虞門外竹橋折

馬驚不敢踰回頭命僮御向我色踴踴自顧方濩落安能相詰誅隱忍心憤恨翻為聲煦愉逡巡崔嵬日杲曜東南隅已復雲蔽翳不使及汎塗良農盡蒲葦厚地積潢污三光不得照萬物何由蘿安得飛廉車磔裂雲將軀又提精一作旌陽劒蛟螭支節屠陰沴皆電埽幽妖亦雷驅煌煌啟闔闔軋軋掉乾樞東西生日月晝夜如轉珠百川朝巨海六龍跕趺衢此意倍寥廓時來本湏臾今也泥鴻洞鼈鼈真得途

種竹并序

昔樂天贈予詩云無波古井水有節秋竹竿予秋來種竹廳下因而有懷聊書十韻

昔公憐我

一作有

直比之秋竹竿秋來苦相憶種竹廳前

看失地顏色改傷根枝葉殘清風猶浙浙高節空團團
鳴蟬聒暮景跳蛙集幽蘭塵土復晝夜稍雲良獨難丹丘信云遠安得臨仙壇瘴江冬草綠何人驚歲寒可憐亭亭榦一一青琅玕孤鳳竟不至坐傷時節蘭

君為著作詩志激詞且溫璨然光揚者皆以義烈聞干
慮竟一失冰玉不斷痕謬予頑不肖列在數子間因君
譏史氏我亦能具陳義黃眇云遠載籍無遺文煌煌二
帝道鋪設在典墳堯心惟舜會因著為語言臯夔益稷
禹粗得無間然纊然千載後後聖曰孔宣迴知皇王意
綴書為百篇是時游夏輩不敢措舌端信哉作遺訓職
在聖與賢如何至近古史氏為閒官但令識字者竊弄

刀筆權由心書曲直不使當世觀貽之千萬代疑言相
並傳人人異所見各各私所偏以是曰褒貶不如都無
焉況乃丈夫志用捨貴當年顧予一作願子有微尚願以出

處論出非利吾已其出貴道全全道豈虛設道全當及
人全則富與壽虧則饑與寒遂我一身逸不如萬物安
解懸不澤手拯溺無折旋神哉伊尹心可以冠古先其
次有獨善善已不善民天地為一物死生為一源合雜
分萬變忽若風中塵抗哉巢由志堯舜不可遷捨此二

者外安用名為賓持謝著書郎愚不願有云

和樂天感鶴

我有所愛鶴毛羽霜雪妍秋霄一滴露聲聞林外天自隨衛侯去遂入大夫軒雲貌久已隔玉音無復傳吟君感鶴操不覺心惕然無乃予所愛誤為微物遷因茲諭直質未免柔細牽君看孤松樹左右蘿蕪纏既可習為飽亦可薰為荃期君常善救勿令終棄捐

諭寶二首

沈玉在弱泥泥弱玉易沈扶桑寒日薄不照萬丈心安
得潛淵蚪拔壑超鄧林泥封泰山阤水散旱天霖洗此
泥下玉照耀臺殿深刻為傳國寶神器人不侵

冰置白玉壺始見清皎潔珠穿殷紅縷始見明洞徹鎔
錚無人淬兩刃幽壤鐵秦鏡無人拭一片埋霧月驥跼
環堵中骨附筋入節蚪蟠尺澤內魚貫一作衆蛙同穴艅

艎無巨海浮浮矜濺滴棟梁無廣廈顛倒卧霜雪大鵬
無長空舉翮受羈絏豫樟無厚地危柢真琬艱圭璧無

下和甘與頑石列舜禹無陶堯名隨腐草滅神功伏神
物神物神乃別神人不世出所以神功絕神物豈徒然
用之乃一作施設禹功九州理舜德天下悅璧充傳國
璽一作璧用充傳璽圭用祈太折干尋豫樟榦九萬大鵬歇棟
梁庇生民艅艎濟來哲蚪騰旱天雨驥騁流電掣鏡懸
姦膽露劒拂妖蛇裂珠玉照乘光冰瑩環坐熟此物比
在泥斯言為誰發於今盡凡耳不為君不一作說說劒

說劒

吾友有寶劍密之如密友我實勝漆交中堂共杯酒酒
酣肝膽露恨不眼前剖高唱荆卿歌亂擊相如缶更擊
復更唱更酌一作舞亦更壽白虹坐上飛青蛇匣中吼我
聞音響異疑是干將偶一作鬪為君再拜言神物可見不
君言我所重我自為君取迎篋已焚香近鞘先澤手徐
抽寸刃漸屈彎彎肘殺殺霜在鋒團團月臨紐逡巡
潛蛇躍鬱律驚左右霆電滿室光蛟龍繞身一作逐奮走我
為捧之泣此劍別來久一作何人為鑄鑄時近一作董山

破藏在松桂朽幽匣一作獄底一作埋神人水心守本

是稽泥

泥稽

淬果非雷煥有我欲評劍功願君良聽受

劍可剝犀兕劍可切瓊玖劍決天外雲劍衝日中斗劍

隳妖蛇腹劍拂佞臣首太古初斷鼈武王親擊紂燕丹

卷地圖陳平綰花綬曾被桂樹枝寒光射林藪一作莽曾

經鑄農器利用翦稂莠神物終變化復為龍犧壯晉末

武庫燒脫然排戶牖為砍掃羣胡散作彌天帚自茲失

所往豪英共為詣音苟今復誰人鑄挺然千載後既非古

風胡

一作壺

無乃近鶴九自我與君遊平生益自負況擊

寶劍出重以雄心扣此劍何太竒此心何太厚勸君慎

所用

一作寶

所用無或苟潛將辟魑魅勿但防

一作驚

妾婦

留斬泓下蛟莫試街中狗

君古一作

今困泥滓我亦坌塵

垢俗耳驚大言逢人少開口

書異

孟冬初寒月渚澤蒲尚青飄蕭北風起皓雪紛滿庭行
過冬至後凍閉萬物零奔渾馳暴雨驟鼓轟雷霆傳云

不終日通宵曾莫停。瘴雲愁拂地，急雷疑注餅。洶湧潢
潦濁噴薄鯨鮀腥。跳趨井蛙喜突兀，水怪形飛蚋奔不
死修蛇蟄再醒。應龍非時出，無乃歲不寧。吾聞陰陽戶
啓閉各有局。後時無肅殺廢職，乃玄冥座配五天帝。薦
用百品珍權為祝融，奪神其焉得靈。春秋雷電異，則必
書諸經。仲冬雷雨苦，願省蒙蔽刑。

和樂天折劙頭

聞君得折劙一片雄心起，詎意鐵蛟龍潛在延津水風

雲會一作劍一合呼吸期萬里雷震山嶽碎電斬鯨鮀死

莫但寶劍頭劍頭非此比

御定全唐詩卷三百九十七

欽定四庫全書
唐詩卷三百九十八

集部

御定全唐詩卷三百九十八

元稹

松鶴

諸宮本坳下佛廟有臺閣臺下三四松低昂勢前却是
時晴景麗松梢殘雪薄日色相玲瓏纖雲映羅幕逡巡
九霄外似振風中鐸漸見尺帛光孤飛唳空鶴裏回耀
霜雪顧慕下寥廓蹋動穆盤枝龍蛇互跳躍俯瞰九江

水旁瞻萬里壑無心駝鳥鳶有字悲城郭清角已沉絕
虞韶亦冥冥騫翻勿重留幸及釣天作

競渡

吾觀競舟子因測大競源天地昔將競蓬勃晝夜昏龍
蛇相噴薄海岱俱崩奔羣動皆攬撓化作流渾渾數極
鬪心息太和蒸混元一氣忽為二蠹然畫乾坤日月復
照耀春秋遞寒溫八荒坦以曠萬物羅以一作亦繁聖人
中間立理世了不煩延綿復幾歲逮及羲與軒炎皇熾

如炭蚩尤扇其燔有熊競心起驅獸出林樊一戰波委
燄再戰火燎原戰訖天下定號之為軒轅自是豈無競
瑣細不復言其次有龍競競渡龍之門龍門浚如瀉宗
射不可援赤鱗化時至唐突鱗鬚掀乘風瞥然去萬里
黃河翻接瞬電烻出微吟霹靂喧傍瞻曠宇宙俯瞰卑
崑崙庶類咸在下九霄行易抑倏辭蛙龜穴遽一作排
天帝闔迴悲曝鰐者未免鯨鮀吞帝命澤諸夏不棄蟲
與昆隨時布膏露稱物施厚恩草木霑我潤豚魚望我

蕃嚮來同競草豈料由我存壯哉龍競渡一競身獨尊
捨此皆蟻鬪競舟何足論

寺院新竹

寶地琉璃坼紫芭琅玕踴亭亭巧於削一一大如拱冰
碧林外寒峯巒眼前聳槎枒矛戟合屹屹龍蛇動煙泛
翠光流歲餘霜彩重風朝竽籟過雨夜鬼神恐佳色有
鮮妍修莖無擁腫節高迷玉鏹籜綴凝花捧詎必太山
根本自仙壇種誰令植幽壤復此依閒冗居然霄漢姿

坐受籜籬壅噪集勑鷗鳥炎昏繁蠻蠓未遭伶倫聽非
安子猷寵威鳳來有時虛心豈無奉

訓別致用

風行自委順雲合非有期神哉心相見無朕安得離我
有懲憤志三十無人知修身不言命謀道不擇時達則
濟億兆窮亦濟毫釐濟人無大小誓不空濟私研幾未
淳熟與世忽參差意氣一為累猜仍良已隨昨來竄荆
蠻分與平生隳那言返為遇獲見心所奇一見肺肝盡

坦然無滯疑感念交契定淚流如斷縻此交定生死非
為論盛衰此契宗會極非謂同路岐君今虎在柙我亦
鷹就羈馴養保性命安能奮殊姿玉色深不變井水撓
不移相看各年少未敢深自悲

竹部

石首縣界

竹部竹山近歲伐竹山竹伐竹歲亦深深林隔深谷朝
朝冰雪行夜夜豺狼宿科首霜斷蓬枯形燒去聲餘木一
束十餘莖千錢百餘束得錢盈千百得粟盈斗斛歸來

不買食父子分半菽持此欲何為官家歲輸促我來荆
門掾寓食公堂肉豈惟遍妻孥亦以及僮僕分爾有限
資飽我無端腹媿爾不復言爾生何太蹙

賽神

楚俗不事事巫風事妖神事妖結妖社不問疎與親年
年十月暮珠稻欲垂新家家不斂穫賽妖無富貧殺牛
貰官酒椎鼓集頑民喧闐里閭隘凶酗日夜頻歲暮雪
霜至稻珠隨隴湮吏來官稅迫求質倍稱縉貧者日消

鑠富亦無倉囷不謂事神苦自言誠不真岳陽賢刺史
念此為俗屯未可一朝去俾之為等倫粗許存習俗不
得呼黨人但許一日澤不得月與旬吾聞國僑理三年
名乃振亟風燎原久未必憐徙薪我來歌此事非獨歌
政仁此事四鄰有亦欲聞四鄰

競舟

楚俗不愛力費力為競舟買舟俟一競競歛貧者賤年
年四五月重實麥小秋積水堰堤壞拔秧蒲稗稠此時

集丁壯習競南畝頭朝飲邨社酒暮椎鄰舍牛祭船如
祭祖習競如習讐連延數十日作業不復憂君侯饌良
吉會客陳膳羞畫鷁四來合大競長江流建標明取舍
勝負死生求一時謹呼罷三月農事休岳陽賢刺史念
此為俗疣習俗難盡去聊用去其尤百船不留一一競
不滯留自為里中戲我亦不寓遊吾聞管仲教沐樹懲
隨遊節此淫競俗得為良政不我來歌此事非獨歌此
州此事數州有亦欲聞數州

茅舍

楚俗不理居居人盡茅舍茅苦竹梁棟茅疎竹仍譟邊
緣隄岸斜詰屈檐楹亞籬落不蔽肩街衢不容駕南風
五月盛時雨不来下竹蠹茅亦乾迎風自焚炮防虞集
鄰里巡警勞晝夜遺燼一星然連延禍相嫁號呼憐穀
帛奔走伐桑柘舊架已新焚新茅又初架前日洪州牧
韋大夫丹念此常嗟訝牧民未及久郡邑紛如化峻邱儼相
望飛甍遠相跨旗亭紅粉泥佛廟青鴛瓦去聲斯事纔未

終斯人久云謝有客自洪來洪民至今藉惜其心太亟

作役

一作後

無容暇臺觀亦已多工徒稍寃咤我欲他郡

長三時務耕稼農收次邑居先室後臺榭啓閉既及期

公私亦相借度材無強略庇役有定價不使及僭差粗

得禦寒夏火至殊陳鄭人安極嵩華誰能繼此名名流

襲蘭麝五袴有前聞斯言我非詐

後湖

荆有泥濘水在荆之邑郢郢前水在後謂之為後湖環

湖十餘里歲積潢與汚臭腐魚鼈死不植菰與蒲鄭公
理三載嚴司空綏其理用煦愉歲稔民四至隘巖亦隘衢公
乃署其地為民先矢謨人人儻自為我亦不疣徒下里
得聞之各各相俞俞提携翁及孫捧戴婦與姑壯者負
礧石老亦猝茅蕩斤磨片片雪椎隱連連珠朝餐布庭
落夜宿完戶樞鄰里近相告親戚遠相呼鬻者自為鬻
酤者自為酤雞犬豐中市人民岐下都百年廢滯所一
旦興浩區我實司水土得為官事無人言賤事貴貴直

不貴訛此實公所小安用歌袴襦答云潭及廣以至鄂
與吳萬里盡澤國居人皆塾濡富者不容蓋貧者不庇
軀得不歌此事以我為楷模

八駿圖詩

并序

良馬無世無之然而終不得與八駿並名何也吾
聞八駿日行三萬里夫車行三萬里而無毀輪壞
轅之患蓋神車者一作人行三萬里而無喪精褫魄
之患亦神之人也無是三神而得是八馬乃破車

掣御蹠人之乘也世焉用之今夫畫古者畫馬而不畫車馭不畫所以乘馬者是不知夫古者也予因作詩以辯之

穆滿志空濶將行九州野神馭四來歸天與八駿馬龍種無凡性龍行無暫捨朝辭扶桑底暮宿崑崙下鼻息吼春雷蹄聲裂寒瓦尾掉滄波黑汗染白一作浮雲赭華

輶本修密翠蓋尚妍冶御者腕不移乘者寐不假車無輪扁斲轡無王良把雖有萬駿來誰是敢騎者

畫松

張璪畫古松往往得神骨翠毫掃春風枯龍戛寒月流傳畫師輩竒態盡埋沒纖枝無蕭灑頑榦空突兀乃悟埃塵心難狀煙霄質我去淅陽山深山看真物

遣興十首

始見梨花房坐對梨花白行看梨葉青已復梨葉赤嚴霜九月半危蒂幾時客況有高高原秋風四來迫

莫厭夏日長莫愁冬日短欲識短復長君看寒又暖城

中百萬家冤哀雜絲管草沒奉誠園軒車昔曾滿

孤竹逆荒園誤與蓬麻列久擁蕭蕭風空長高高節嚴
霜蕩羣穢蓬斷麻亦折獨立轉亭亭心期鳳皇別

豔豔翦紅英團團削翠莖託根在褊淺因依泥滓生中
有合歡藥池枯難遽呈涼宵露華重低徊當月明

晚荷猶展卷早蟬遽蕭嘹露葉行已重況乃江風搖炎
夏火再伏清商暗回飈寄言抱志士日月東西跳

買馬買鋸牙買犧買破車養禽當養鶻種樹先種花人

生負俊健天意與光華莫學蚯蚓輩食泥近土涯
愛直莫愛夸愛疾莫愛斜愛謨莫愛詐愛施莫愛奢擇
才不求備任物不過涯用人如用己理國如理家

燿燿刀刃光彎彎弓面張入水斬犀兕上山一作推一
入山推作

推虎狼里中無老少喚作癩兒郎一日風雲一作雨
會橫

行一作歸故鄉

團團規內星未必明如月託迹近北辰周天無淪沒老
人在南極地遠光不發見則壽聖明願照高高闕

河清諒嘉瑞是歲黃河清吾帝真聖人時哉不我夢此時為

是歲黃河清

吾帝真聖人時哉不我夢此時為

吾帝真聖人時哉不我夢此時為

吾帝真聖人時哉不我夢此時為

塵

野節鞭

神鞭鞭宇宙玉鞭鞭騏驥緊紝野節鞭本用鞭頭屬使君
鞭甚長使君馬亦利司馬並馬行司馬馬顛頓短鞭不可施疾步無由致使君駐馬言願以長鞭遺此遺不尋常此鞭不容易金堅無繳繞玉滑無塵膩青蛇坼生

石不刺山阿地烏龜旋眼斑不染江頭淚長看雷雨痕
未忍駕駘試持用換所持無令等閒棄答云君何竒贈
我君所貴我用亦不凡終身保明義誓以鞭姦頑不以
鞭蹇蹠指撗狡免蹠決撻怪平聲龍睡惜令寸寸折節節
不虛墜因作換鞭詩詩成謂同志而我得聞之笑君年
少意安用換長鞭鞭長亦奚為我有鞭尺餘泥拋風雨
漬不擬閒贈行唯將爛誇醉春來信馬頭欹緩花前轡
願我遲似繩饒君疾如翅

御定全唐詩卷三百九十八

欽定四庫全書
欽定全唐詩卷一百四

集部

御定全唐詩卷三百九十九

元稹

旱災自咎貽七縣宰

同州時

吾聞上帝心降命明且仁臣稹苟有罪胡不災我身胡為旱一州禍此千萬人一旱猶可忍其旱亦已頻臘雪不滿地膏雨不降春惻惻詔書下半減麥與緝半租豈不薄尚竭力與筋竭力不敢憚慚戴天子恩纍纍婦拜

姑呐呐翁語孫禾黍日夜長足得盈我困還填折粟稅
酬償貰麥鄰苟無公私責飲水不為貧歎言未盈口旱
氣已再振六月天不雨秋孟亦既旬區區昧陋積禱祝
非不勤日馳衰白顏再拜泥甲鱗歸來重思忖願告諸
邑君以彼天道遠豈如人事親團圓固中無乃寃不
申擾擾食廩內無乃姦有因輶輶輸送車無乃使不倫
遙遙負擔卒無乃役不均今年無大麥計與珠玉濱邙
胥與里吏無乃求取繁符下斂錢急值官因酒嗔誅求

與撻罰無乃不逡巡生小下里住不曾州縣門訴詞千
萬恨無乃不得聞強豪富酒肉窮獨無芻薪俱由案牘
吏無乃移禍屯官分市井戶迭配水陸珍未蒙所償直
無乃不敢言有一於此事安可尤蒼旻借使漏刑憲得
不虞鬼神自顧頑滯牧坐貽災沴臻上羞朝廷寄下媿
閭里民豈無神明宰為我同苦辛共布慈惠語慰此衢

客塵

蟲豸詩

七篇

并序

天之居物於地也有獸宜山宜穴魚宜水宜泥鳥
宜木宜洲蟲宜草宜腐穢風雨會而寒暑時山川
正而原野平行然後邪閭屋室以州之人之宜人
不得其宜而之鳥獸蟲魚之所宜非蟲魚獸鳥之
罪也然而自非聖賢人失所宜未嘗無不得宜之
歎云始辛卯年予掾荊州之地洲渚濕墊其動物
宜介其毛物宜翹羽予所舍又荊州樹木洲渚處
晝夜常有翹羽百族鬧心不得閒靜因為有鳥二

十章以自達又數年司馬通州郡通之地叢穢卑
褊蒸瘴陰鬱篤為蟲蛇備有辛螫蛇之毒百而鼻
塞者尤之蟲之輩亦百而疎漠浮塵蜘蛛蟻子蛤
蠶之類最甚害人其土民具能攻其所毒亦往往
合於方籍不知者毒一作遭輒死予因賦其七蟲為
二十一章別為序以備瑣細之形狀而盡藥石之
所宜庶亦叔教之意焉

巴蛇

三首并序

巴之蛇百類其大蟒其毒塞鼻蟒人常不見塞鼻
常遭之毒人則毛髮皆豎起飲谿澗而泥沙盡沸
驗方云攻巨蟒用雄黃煙被其腦則裂而鶲鳥能
食其小者巴無是物其民常用禁術制之尤効

巴蛇千種毒其最臭褰蛇掉舌翻紅盤盤身蹙白花噴
人豎毛髮飲浪沸泥沙欲學叔敖瘞其如多似麻

越嶺南濱海武都西隱一作陷 戎雄黃假名石鶲鳥遠難

籠詎有隳腸計應無破腦功巴山晝昏黑妖霧毒濃濃

漢帝斬蛇劖晉時燒上天自茲繁巨蟒往往壽千年白
晝遮長道青溪蒸毒煙戰龍蒼海外平地血浮船

蛤蜂

三首并序

蛤蜂類而大巢在塞鼻蛇穴下故毒蟄倍諸蠭薑
中手足輒斷落及心胸則圮裂用他蜂中人之方
療之不能愈巴人往往持禁以制之則差

巴蛇蟠窟穴穴下有巢蜂近樹禽垂翅依原獸絕蹤微
遭斷手足厚毒破心胷昔甚招魂句那知眼自逢

梨笑清都月

京都開元觀
多梨花蠶

蜂游紫殿春構脾分部伍嚼

蕊奉君親翅羽頗同類心神固異倫安知人世裏不有

噬人人

蘭蕙本同畹蜂蛇亦雜居害心俱毒蟄妖燄兩吹噓雷
蟄吞噬止枯焚巢穴除可憐相濟惡勿謂禍無餘

蜘蛛

三首
并序

巴蜘蛛大而毒其甚者身邊數寸而踦長數倍其
身網羅竹柏盡死中人瘡痏集濕且痛癢倍常用

雄黃苦酒塗所嚙仍用鼠婦蟲食其絲盡輒愈療不速絲及心而療不及矣

蜘蛛天下足巴蜀就中多縫隙容長踦虛空織橫羅縈纏傷竹柏吞噬及蟲蛾為送佳人喜珠櫳無奈何網密將求食絲斜誤著人因依方紀一作記一作緒挂胥遂容身截道蟬冠礙漫天玉露頻兒童憐小巧漸欲及車輪稚子憐圓網佳人祝喜絲那知緣暗隙忽被嚙柔肌毒賸攻猶易焚心療恐遲看看長祆緒和扁欲連渢

蟻子三首

巴蟻衆而善攻
櫟棟往往木容完具而心節朽壞
屋居者不省其微而禍成傾壓

蟻子生無處偏因溼處生陰霪煩擾攘拾粒苦譽譁平聲

牀上主人病耳中虛藏鳴雷霆翻不省聞汝作牛聲
時術功雖細年深禍亦成攻穿漏江海嚼食困蛟鯨敢
憚棗櫟蠹深藏柱石傾寄言持重者微物莫全輕

攘攘終朝見悠悠卒歲疑詎能分牝牡焉得有嫁蟻卵蟻

徙市竟何意生涯都幾時巢由或逢我應似我相期

蟆子

三首并序

蟆蚊類也其實黑而小不礙紗縠夜伏而晝飛聞
柏煙與麝香輒去蚊蟆與浮塵皆巴蛇鱗中之細
蟲耳故齧人成瘡秋夏不愈膏漱葉而傅之則差
蟆子微於蚋朝繁夜則無毫端生羽翼針喙噏肌膚暗
毒應難免羸形日漸枯將身遠相就不敢恨非辜

晦景權藏毒明時敢噬人不勞生詬怒祇足助酸辛集

皆看無物蛇軀庇有鱗天方芻狗我甘與爾相親
有口深堪異趣時詎可量誰令通鼻息何故辨馨香沉
水來滄海崇蘭泛露光那能枉焚爇爾衆我微茫

浮塵子三首并序

浮塵蟆類也其實微不可見與塵相浮而上下人
苦之往往蒙絮衣自蔽而浮塵輒能通透及人肌
膚亦巢巴蛇鱗中故攻之用前術

可歎浮塵子纖埃喻此微寧論隔紗幌并解透綿衣有

毒能成瘍無聲不見飛病來雙眼暗何計辨零霏

乍可巢蚊睫胡為附鱗已微於蠹蠹仍害及仁人作人

動植皆分命毫芒亦是身哀哉此幽物生死敵浮塵
但覺皮膚憊安知瑣細來因風吹薄霧向日誤輕埃暗
蠶堪銷骨潛飛有禍胎然無防備處留待雪霜摧

蟲三首

巴山谷間春秋常雨自五六月至八九月雨則多
蟲道路羣飛噬馬牛血及蹄角旦暮尤極繁多人

常用日中時趣程逮雪霜而後盡其噉人痛劇浮
蟆而不能毒留肌故無療術

陰深山有瘴溼熱草多蟲衆噬錐刀毒羣飛風雨聲汗
粘瘡痛痛日曝苦辛行飽爾蛆殘腹安知天地情

千山溪沸石六月火燒雲自顧生無類那堪毒有羣搏
牛皮若截噬馬血成文蹄角尚如此肌膚安可云

辛螫終非久炎涼本遞興秋風自天落夏蘖與霜澄一
鏡開潭面千鋒露石稜氣平蟲豸死雲路好攀登

楚歌十首

江陵時作

楚人千萬戶生死繫時君當璧便為嗣賢愚安可分干戈長浩浩篡亂亦紛紛縱有明在下區區何足云

陶虞事已遠尼父獨將明潛穴龍無位幽林蘭自生楚王謀授邑此意復中傾未別子西語縱來何所成

平王漸昏惑無極轉承恩子建猶相貳伍奢安得存生居宮雉閼死葬寢園尊豈料奔吳士鞭屍郢市門

懼盈因鄧曼罷獵為樊姬盛德留金石清風鑒薄帷襄

王忽妖夢宋玉復淫辭萬事捐宮館空山雲雨期
宜僚南市住未省食人恩臨難忽相感解紛寧用言何
如晉夷甫坐占紫微垣看著五胡亂清談空自尊

誰恃王深寵誰為楚上卿包胥心獨許連夜哭秦兵千
乘徒虛爾一夫安可輕殷勤聘名士莫但倚方城

梁業雄圖盡遺孫世運消宣明徒有號江漢不相朝碑
碣高臨路松枝半作樵唯餘開聖寺猶學武皇妖

江陵南北道長有遠人來死別登舟去生心上馬迴榮

枯誠異日今古盡同灰巫峽朝雲起荆王安在哉

三峽連天水奔波萬里來風濤各自急前後苦相推倒入黃牛漩驚衝灔澦堆古今流不盡流去不曾迴

八荒同日月萬古共山川生死既由命興衰還付天棲棲王粲賦憤憤屈平篇各自埋幽恨江流終宛然

襄陽道

羊公名漸遠唯有峴山碑近日稱難繼曹王任馬糞叔
蘭俱下世城郭到今時漢水清如玉流來本為誰

賦得魚登龍門用登

字

魚貫終何益龍門在苦登有成當一作時常作雨無用恥
為鵬激浪誠難泝雄心亦自憑一作庶風雲一作潛會
合礪鼉忽騰凌泥滓辭河濁煙霄見海澄迴瞻順流輦
誰敢望同升

貞元

一作歷是歲春秋八月太上改
永貞元永貞傳位今皇帝

象魏纔頌歷龍鑣已御天猶看後元厯新署永貞年半
歲光陰在三朝禮數遷無因書簡冊空得詠詩篇

塞馬

塞馬倦江渚今朝神彩生曉風寒獵獵乍得草頭行夷
狄寢烽候閼河無戰聲何由當陣面從爾四蹄輕

鹿角鎮

洞庭湖中地名

去年湖水滿此地覆行舟萬怪吹高浪千人死亂流誰
能問帝子何事寵陽侯漸恐鯨鮀大波濤及九州

感事三首

此後並是學士時作

為國謀羊舌從來不為身此心長自保終不學張陳

自笑心何劣區區辨所冤伯仁雖到死終不向人言

富貴年皆長風塵舊轉稀白頭方見絕遙為一霜衣

題翰林東閣前小松

簷破修鱗亞霜侵簇翠黃唯餘入琴韻終待舜弦張



總校官庶吉士臣張能照

校對官檢討臣蕭九成

謄錄監生臣郭棣泰

欽定四庫全書會要

集部

御定全唐詩卷四百至四百四

詳校官候補通政司經厯臣郭祚熾

欽定四庫全書
欽定全唐詩卷一百一十五

集部

御定全唐詩卷四百

元稹

清都夜境

自此至秋夕並年十六至十八時詩

夜久連觀靜斜月何晶熒寥天如碧玉歷歷綴華星樓
榭自陰暎雲牖深冥冥纖埃悄不起玉砌寒光清棲鶴
露微影枯松多怪形南廂儼容衛音響如可聆啓聖發
空洞朝真趨廣庭閒開榮珠殿暗閱金字經屏氣動方

一作息凝神心自靈悠悠車馬上浩思安得寧
萬

春晚寄楊十二兼呈趙八

時楊生館
於趙氏

蒙蒙竹樹深簾牖多清陰避日坐林影餘花委芳襟傾
尊就殘酌舒卷續微吟空際颺高蝶風中聆素琴廣庭
備幽趣復對商山峯獨此愛時景曠懷雲外心遷鶯戀
嘉木求友多好音自無琅玕實安得蓮花簪寄之二君
子希見雙南金

與楊十二李三早入永壽寺看牡丹

曉入白蓮宮琉璃花界淨開敷多喻草凌亂被幽徑壓
砌錦地鋪當霞日輪映蝶舞香暫飄蓬牽惹難正籠處
彩雲合露湛紅珠瑩結葉影自交搖風光不定繁華有
時節安得保全盛色見盡浮榮希君了真性

春餘遣興

春去日漸遲庭空草偏長餘英間初實雪絮繁蛛網好
鳥多陰息新篁已成響簾開斜照入樹裏游絲上絕跡
念物間良時契心賞單衣頗新綽虛室復清敞置酒奉

親賓樹萱自怡養。笑倚連枝花。恭扶瑞藤杖。步屢恣優游。
望山多氣象。雲葉遙卷舒。風裾一作幕動蕭爽。簪纓固煩雜。江海徒浩蕩。野馬籠赤霄。無由負羈鞅。

憶雲之

為魚實愛泉。食辛寧避蓼。人生既相合。不復論寃冤。滄海良有窮。白日非長皎。何事一一作人心各在四方表。泛若逐水萍。居為附松茑。流浪隨所之。縈紵牽所繞。百年
齡頗踴促。況復迷壽夭。芟髮君已衰。冠歲予非小。娛樂

不及時暮年壯心少感此幽念綿遂為長悄悄中庭草
木春歷亂遙相擾奇樹花冥冥竹竿鳳裏裏幽芳被蘭
徑安得寄天杪萬里瀟湘魂夜夜南枝鳥

別李三

階蓂附瑤砌藂蘭偶芳藿高位良有依幽姿亦相託鮑
叔知我貧烹葵不為薄半面契始終千金比然諾人生
繫時命安得無苦樂但感遊子顏又值餘英落蒼蒼秦
樹雲去去緜山鶴日暮分手歸楊花滿城郭

秋夕遠懷

日夕天氣寒風飄葉漸輕星繁河漢白露逼食枕清丹
鳥月中滅莎雞牀下鳴悠悠此懷抱況復多遠情

東西道

天皇開四極便有東西道萬古聞行人行人幾人老顧
我倦行者息陰何不早少壯塵事多那言壯年好

分流水

古時愁別淚滴作分流水日夜東西流分流幾千里通

塞雨不見波瀾各自起與君相背飛去去心如此

西還

悠悠洛陽夢鬱鬱灞陵樹落日正西歸逢君又東去

含風夕

此後拾遺時作

炎昏勦煩久逮此含風夕夏服稍輕清秋堂已岑寂載
欣涼宇曠復念佳辰擲絡緯驚歲功顧我何成績青熒
微月鉤幽暉洞陰魄水鏡涵玉輪若見淵泉壁參差簾
牖重次第籠虛白樹影滿空牀螢光綴深壁悵望牽牛

牛斗星復為經年隔露網裏風珠輕河泛遙碧詎無深

秋夜

一作
調景感此乍

一作
年

流易亦有遲暮年壯年良自惜

循環切中腸感念

一作
今

追往昔接瞬無停陰何言問陳

積馨香推蕙蘭堅貞諭松柏生物固有涯安能比金石

況茲百齡內擾擾紛衆役日月東西馳飛車無留跡來

者良未窮去矣定奚適委順在物為營營復何益

秋堂夕

炎涼正迴互金火鬱相乘雲雷時交構川澤方蒸騰清

風一朝勝白露忽已凝草木凡氣盡始見天地澄況此
秋堂夕幽懷曠無朋蕭條簾外雨倏閃案前燈書卷滿
牀席蠅蜎懸復升啼兒屢啞咽勸僅時寢興泛覽昏夜
目詠謠暢煩膺況吟獲麟章欲罷久不能堯舜事已遠
丘道安可勝蜉蝣不信鶴蜩肯窺鵬當年且不偶沒
世何必稱胡為揭聞見褒貶貽愛憎焉用汨其泥豈在
清如冰非白又非黑誰能點青蠅處世苟無悶佯狂道
非弘無言被人覺予亦笑孫登

酬樂天

時樂天攝尉
予為拾遺

放鶴在深水置魚在高枝升沉或異勢同謂非所宜君
為邑中吏皎皎鸞鳳姿顧我何為者翻侍白玉墀昔作
芸香侶三載不暫離逮茲忽相失旦夕夢魂思崔嵬驪
山頂宮樹遙參差祇得兩相望不得長相隨多君歲寒
意裁作秋興詩上言風塵苦下言時節移官家事拘束
安得携手期願為雲與雨會合天之垂

楊子華畫三首

楊畫遠於展何言今在茲依然古妝服但感時節移念君一朝意遺我千載思子亦幾時客安能長苦悲

皓腕卷紅袖錦韁臂蒼鸚故人斷弦心稚齒從禽樂當年惜貴遊遺形寄丹腹骨象或依稀鉛華已寥落似對古人民無復昔城郭子亦觀病身色空俱寂寞

顛倒世人心紛紛乏公是真賞一作貴畫不成畫賞真相似丹青各所尚工拙何足恃求此妄中精一作情嗟哉子

華子

西州院

東川官舍

自入西州院唯見東川城今夜城頭月非暗又非明文
案牀席滿卷舒贓罪名慘悽且煩勸棄之階下行悵望
天迴轉動搖萬里情參辰次第出牛女顛倒傾況此風
中柳枝條千萬莖到来籬下筍亦已長短生感愴正多
緒鴉鷗相喚驚牆上杜鵑鳥又作思歸鳴以彼撩亂思
吟為幽怨聲吟罷終不寢繫繫復鐺鐺

臺中鞫獄憶開元觀舊事呈損之兼贈周兄四

十韻

憶在開元館食柏練玉顏踈慵日高卧自謂輕人寰李
生隔牆住隔牆如隔山怪我久不識先來問驕頑十過
乃一往遂成相往還以我文章卷文章甚編瀾因言辛
庾輩亦願放羸辱既迴數子顧展轉相連攀驅令選科
目若在闇與闇學隨塵土墜漫數公卿闕唯恐壞情性
安能懼謗訛還招辛庾李靜處杯巡環進取果由命不
由趨險艱穿楊二三子弓矢次第彎推我亦上道再聯

朝士班二月除御史三月使巴蠻蠻民詣竹感謫訴齧

指明痛癢憐蠻不解語為發昏帥姦歸來五六月旱色

天地殷分司別兄弟各各淚潸潸哀哉劇部職唯數臧

罪錢死款依稀取鬪辭方便刪道心常自媿柔髮難久

黷折支望車乘支痛誰置患奇哉乳臭兒緋紫祫被間

漸大官漸貴漸富心漸慳鬧裝轡頭觸靜拭腰帶斑鷄

子繡線繚猶兒金油去聲環香湯洗驄馬翠篋籠白鷗月

請公王封一作冰受天子頒開筵試歌舞別宅寵妖嬈

坐臥摩綿一作褥 捧擁綵絲鬟旦夕不相離比翼若飛

驚而我亦何苦三十身已鰥愁吟心骨顛寒臥支體癟

渠云切又五開切

居處雖幽靜尤悔少偷憊不如周道士鶴嶺

臨鐘灣繞院松瑟瑟通畦水潺潺陽波自尋蕨邨沿看
漚菅窮通兩未遂營營真老閒

韋氏館與周隱客杜歸和泛舟

天色低澹澹池光漫油油輕舟間繳繞不遠池上樓時
物欣外獎真元隨內修神恬津藏滿氣委支節柔衆處

豈自異曠懷誰我儔風車籠野馬八荒安足遊開顏陸
渾杜握手靈都周持君寶珠贈頂戴頭上頭

劉氏館集隱客歸和子元及之子蒙晦之

溼墊緣竹徑寥落護岸冰偶然沽市酒不越四五升詩
客愛時景道人話升騰笑言各有趣悠哉古孫登

寄隱客

我年三十二鬢有八九絲非無官次第其如身早衰今
人夸貴富肉食與妖姬而我俱不樂貴富亦何為况逢

多士朝賢俊若布棋班行次第立朱紫相參差謨猷密
勿進羽檄縱橫馳監察官甚小發言無所裨小官仍不
了譴奪亦已隨時或不之棄得不自棄之陶君喜不遇
顧我復何疑潛書周隱士白雲今有期

元和五年予官不了罰俸西歸三月六日至陝
府與吳十一兄端公崔二十二院長思愴曩遊

因投五十韻

小年間愛春認得春風意未有花草時先釀曉窗睡霞

朝澹雲色霽景牽詩思漸到柳枝頭川光始明媚長安
車馬客傾心奉權貴晝夜塵土中那言早春至此時我
獨遊我遊有倫次閒行曲江岸便宿慈恩寺扣林引寒
龜疏叢出幽翠凌晨過杏園曉露凝芳氣初陽好明淨
嫩樹憐低庳排房似綴珠欲啼紅臉淚新鶯語嬌小淺
水光流利冷飲空腹杯因成日高醉酒醒聞飯鐘隨僧
受遺施餐罷還復遊過從上文記行逢二月半始足遊
春騎是時春已老我遊亦云既藤開九華觀草結三條

隨新筍踴犀株落梅翻蝶翅名倡繡轂車公子青絲轡
朝士還旬休豪家得春賜提携好音樂翦鏟空田地同
占杏花園喧闐各叢萃顧予煩寢興復往散顛頰倦僕
色肌羸蹇驢行跛痺春衫未成就冬服漸塵膩傾蓋吟
短章書空憶難字遙聞公主笑近被王孫戲邀我上華
筵橫頭坐賓位那知我年少深解酒中事能唱犯聲歌
偏精變籌義含詞待一作徒殘拍促舞遍繁吹叫噪擲投
盤生擗攝觥使逡巡光景晏散亂東西異古觀閉閭門

依然復幽闕無端矯情性漫學求科試薄藝何足云虛
名偶頻遂拾遺天子前密奏升平議召見不須臾憲庸
已猜忌朝陪香案班暮作風塵尉去歲又登朝登為柏
臺吏臺官相束縛不許放情志寓直勞送迎上堂煩避
諱分司在東洛所職尤不易罰俸得西歸心知受朝庇
常山攻小寇淮右擇良帥國難身不行勞生欲何為吾
兄諳性靈崔子同臭味投此挂冠詞一生還自恣

御定全唐詩卷四百

欽定四庫全書
欽定全唐詩卷四百一

集部

御定全唐詩卷四百一

元稹

寄吳士矩端公五十韻

此後並江陵
曹時作

昔在鳳翔日十歲即相識未有好文章逢人賞顏色可憐何郎面

吳生小字何郎

二十纔冠飾短髮予近梳羅衫紫蟬

翼伯舅各驕縱仁兄未摧抑事業若杯盤詩書甚微纏
西州戎馬地賢豪事雄特百萬時可贏十千良易借寒

食桐陰下春風柳林側藉草送遠遊列筵酬博塞萎蕤
雲幕翠燦爛紅茵艷膾縷輕似絲香酷膩如職一作織將

軍頻下城佳人盡傾國媚語嬌不聞纖腰軟無力歌辭

妙宛轉舞態能剝刻箏弦玉指調粉汗紅綃拭予時最

年少專務酒中職未能解媿一作生綈偏矜任狂直曲庇

桃根蓋橫講捎雲式亂布鬪分明惟新間讒慝心作最

先吐羞言未朝食醉眼漸紛紛酒聲頻餒愛墨切扣節

參差亂飛觥往來織強起相維持翻成兩匍匐邊霜颯

然降戰馬鳴不息但喜秋光麗誰憂塞雲黑常隨獵騎
走多在豪家匿夜飲天既明朝歌日還是荒狂歲云久
名利心潛逼時輩多得途親朋屢相救閒因適農野忽
復愛稼穡平生中聖人翻然腐腸賊亦從酒仙去便被
書魔惑脫跡壯士場甘心豎儒域矜持翠筠管敲斷黃
金勒屢益蘭膏燈猶研兔枝墨崎嶇來掉蕩矯枉事沉
默隱笑甚艱難斂容還勞崩與君始分散勉我勞修飾
岐路各營營別離長惻惻行看二十載萬事紛一作絲何極

相值或須臾安能洞胷臆昨來陝郊一作
鄰會悲歡兩難

克問我新相知但報長相憶豈無新知者不及小相得
亦有生歲游同年不同德為別詎幾時伊予墜溝洫大
江鼓風浪遠道參荆棘往事返無期前途浩難測一旦
得自由相求北山北

三月二十四日宿曾峰館夜對桐花寄樂天

微月照桐花月微花漠漠怨澹不勝情低回拂簾幕葉
新陰影細露重枝條弱夜久春恨多風清暗香薄是夕

遠思君思君瘦如削但感事睽違非言官好惡奏書金

鑾殿步屣青龍閣我在山館中滿地洞花落

酬樂天書懷見寄

本題云初與微之別後忽夢見之及寤而微之書至兼覽

桐花之什悵然書懷

此後五章並次用本韻

新昌北門外與君從此分街衢走車馬塵土不見君君
為分手歸我行行不息我上秦嶺南君直樞星北秦嶺
高崔嵬商山好顏色月照山館花裁詩寄相憶天明作
詩罷草草隨所如憑人寄將去三月無報書荊州白日

晚城上鼓鼙鼙行逢賀州牧致書三四封封題樂天字
未拆已霑裳拆書八九讀淚落千萬行中有酬我詩句
句截我腸仍云得詩夜夢我魂淒涼終言作書處上直
金鑾東詩書費一夕萬恨緘其中中宵宮中出復見宮
月斜書罷月亦落曉燈隨暗花想君書罷時南望勞所
思況我江上立吟君懷我詩懷我浩無極江水秋正深
清見萬丈底照我平生心感君求友什因報壯士吟持
謝衆人口銷盡猶是金

酬樂天登樂遊園見憶

昔君樂遊園，悵望天欲曛。今我大江上，快意波翻雲。
秋空壓澶漫，湏洞無垢氛。四顧皆豁達，我眉今日伸。
長安隘朝市，百道走埃塵。軒車隨對列，骨肉非本親。
誇遊巫相第，偷入常侍門。愛君直如髮，勿念江湖人。

酬樂天早夏見懷

庭抽有垂實燕，巢無宿雛我亦辭。社燕茫茫焉，所如君
詩夏方早。我歎秋已徂，食物風土異。衾裯時節殊，荒草

潘田地近移江上居八日復切九月明侵半除

酬樂天勸醉

神麌清濁酒牡丹深淺花少年欲相飲此樂何可涯沈
機造神境不必悟楞伽一作配顏返童貌安用成丹砂
劉伶稱酒德所稱良未多願君聽此曲我為盡稱嗟一
杯顏色好十盞膽氣加半酣得自恣酩酊歸太和共醉
真可樂飛觥撩亂歌獨醉亦有趣兀然無與他美人醉
燈下左右流橫波王孫醉床上顛倒眠綺羅君今勸我

醉勸醉意如何

和樂天初授戶曹喜而言志

王爵無細大得請即為恩君求戶曹掾貴以祿奉親聞
君得所請感我欲嚮巾今人重軒冕所重華與紛矜誇
仕臺閣奔走無朝昏君衣不盈篋君食不滿囷君言養
既薄何以榮我門披誠再三請天子憐儉貧詞曹直文
范捧詔榮且忻歸來高堂上兄弟羅酒尊各稱千萬壽
共飲三四巡我實知君者千里能具陳感君求祿意求

祿殊衆人上以奉顏色餘以及親賓棄名不棄實謀養
不謀身可憐白華士永願凌青雲

和樂天贈吳丹

不識吳生面久知吳生道跡雖染世名心本奉天老雌
一守命門迴九填血腦委氣榮衛和咽津顏色好傳聞
共甲子衰隕盡枯槁獨有冰雪容纖華奪鮮縞問人何
能爾吳實曠懷抱弁冕徒挂身身外非所寶伊予固童
昧希真亦云早石壇玉晨尊晝夜長自埽密印視丹田

遊神夢三島萬過黃庭經一食青精稻冥搜方朔桃結
念安期棗綠髮幸未改丹誠自能保行當擺塵纓吳門
事探討君為先此詞終期搴瑤草

和樂天秋題曲江

十載定交契七年鎮相隨長安最多處多是曲江池梅
杏春尚小芝荷秋已衰共愛寥落境相將偏此時絲絲
紅蓼水颶颶白鷺驚詩句偶未得酒杯聊久持今來雲
雨曠舊賞魂夢知況乃江楓夕和君秋興詩

和樂天別弟後月夜作

聞君別愛弟明天照夜寒秋雁拂檐影曉琴當砌彈悵
望天澹澹因思路漫漫吟為別弟操聞者為辛酸況我
兄弟遠一身形影單江波浩無極但見時歲闌

和樂天秋題牡丹叢

敝宅豔山卉別來長歎息吟君晚叢詠似見摧隕色欲
識別後容勤過晚叢側

春月

春月雖至明終有靄靄光不似秋冬色逼人寒帶霜纖

粉澹虛壁輕烟籠半牀分暉間林影餘照上虹梁病久

塵事隔夜閒清興長擁抱顛倒領步屣東西廂風柳結

柔援

一作援

露梅飄暗香雪含櫻綻藥珠蹙桃緩房杳杳

有餘思行行安可忘四鄰非舊識無以話中腸南有居

士儼默坐調心王款闌一問訊為我披衣裳延我入深

竹暖我於小堂視身琉璃瑩諭指芭蕉黃復有比丘溢

早傳龍樹方口中祕丹訣肘後懸青囊錫杖雖獨振刀

圭期共嘗未知仙近遠已覺神輕翔夜久魂耿耿月明
露蒼蒼悲哉沈眠士寧見茲夕良

月臨花

臨 橋

臨風颺颺花透影朧朧月巫峽隔波雲姑峰漏霞雪鏡
勻嬌面粉燈泛高籠纈夜久清露多啼珠墜還結

紅芍藥

芍藥綻紅綃巴蘚織青瑣繁絲蹙金葉高盤當爐火翦
刻形雲片開張赤霞裏煙輕琉璃葉風亞珊瑚朵受露

色低迷向人嬌婀娜酡顏醉後泣一作並小女妝成坐
豔錦不如夭夭桃未可晴霞畏欲散晚日愁將墮結植
本為誰賞心期在我采之諒多思幽贈何由果

送王十一南行

夏水漾天末晚暘依岸

一作暝

遙

風調

一作翻

烏尾勁眷戀

餘芳尊解袂

方瞬息

征帆已翩翩

江豚湧高浪

楓樹搖

去魂遠

戌宗侶泊暮煙

洲渚昏離心詎

幾許驟若移寒

溫此別信非久胡為坐憂煩我留石難轉君泛雲無根

萬里湖南月三聲山上猿從茲耿幽夢夜夜湘與沅

三歎

孤劌鋒刃澀猶能神彩生有時雷雨過暗吼聞閨聲主人悶靈寶畏作升天行淬礪當陽鐵刻為干鎔名遠求鵠鵠瑩同用玉匣盛顏色縱相類利鈍頗相傾雄為光電烻雌但深泓澄龍怒有奇變青蛇終不驚

仙鳳翠皇死歲旌光彩低非無駕鸞侷誓不同樹棲飛馳歲云暮感念雖在泥顧影不自暖寄爾蟠桃雞馴養

豈無媿類族安得齊願言成羽翼奮翅凌丹梯

天驥失龍偶三年常夜嘶哀緣噴風斷渴且含霜啼長
恐絕遺類不復躡雲霓非無駒駒者鶴意不在雞春來
筋骨瘦弔影心亦迷自此渥洼種應生濁水泥

遺畫

密竹有清陰曠懷無塵滓況乃秋日光玲瓏曉窗裏旬
休聊自適今辰日高起櫛沐坐前軒風輕鏡如水開卷
恣詠謠望雲閒徒倚新菊媚鮮妍短萍憐蘿靡埽除田

地靜摘掇園蔬美幽翫悵詩流空堂稱居士客來傷寂
寘我念遺煩鄙心跡兩相忘誰能驗行止

冬夜懷李侍御王太祝段丞

浩露煙燼盡月光閒有餘松篁細陰影重以簾牖疎泛
覽星粲粲輕河悠碧虛纖雲不成葉脈脈風絲舒丹竈
熾東序燒香羅玉書飄飄魂神舉若駒鸞鶴輿感念夙
昔意華尚簪與裾簪裾詎幾許累創吞鉤魚今聞馨香
道一以悟臭帑悟覺誓不惑永抱胎仙居晝夜欣所適

安知歲云除行行二三友君懷復何如

西齋小松二首

松樹短於我清風亦已多況乃枝上雪動搖微月波幽
姿得閒地詎感歲蹉跎但恐廈終構藉君當奈何

簇簇枝新黃纖纖攢素指柔莖漸依條短莎還半委清

風日夜高凌雲意一作竟何已千歲盤老龍修鱗自茲始

周先生

寥寥空山岑冷冷風松林流月垂鱗光懸泉揚高音希

夷周先生燒香調琴心神力盈三千誰能還黃金

御定全唐詩卷四百一

欽定四庫全書
欽定全唐詩卷一萬七千八百七

集部

御定全唐詩卷四百二

元稹

遣春十首

曉月籠雲影鶯聲餘霧中暗芳飄露氣輕寒生柳風冉冉一趨府未為勞我躬因茲得晨起但覺情興隆久雨憐霽景偶來隄上行空濛天色嫩杏綠江面平百草短長出衆禽高下鳴春陽各有分予亦澹無情

鏡皎碧潭水微波粗成文煙光垂碧草瓊脈散纖雲岸柳好陰影風裾遺垢氣悠然送春目八荒誰與羣

低迷籠樹煙明淨當霞日陽燄波春空平湖漫疑一作
疑

溢雪鶩遠近飛渚牙淺深出江流復浩蕩相為坐紆鬱暄寒深淺春紅白前後花顏色詎相讓生成良有涯梅芳勿自早菊秀勿自賒各將一時意終年無再華

高屋童稚少春來歸燕多葺舊良易就新院亦已羅俯憐雛化卵仰媿鵬無窠巢棟與巢幕秋風俱奈何

撩亂撲樹蜂推殘戀房蕊風吹雨又頻安得繁於綺酒
盃沉易過世事紛何已莫倚顏似花君看歲如水

繞郭高高冢半是荆王墓後嗣熾陽臺前賢甘草路善
惡徒自分波流盡東注胡然不飲酒坐落桐花樹

花陰莎草長藉莎閒自酌坐看鶯鬪枝輕花滿尊杓葛
巾竹稍挂書卷琴上閣沽酒過此生狂歌眼前樂

梨葉已成陰柳條紛起絮波綠紫屏風螺紅碧籌筭三
杯面上熱萬事心中去我意風散雲何勞問行處

表夏十首

夏風多暖暖樹木有繁陰新筍長短早櫻紅淺深煙
花雲幕重榴豔朝景侵華實各自好詎云芳意沉

初日滿階前輕風動簾影旬時得休浣高臥閱清景僅
兒拂巾箱鷗軋深林井心到物自閒何勞遠箕願

江瘴炎夏早蒸騰信難度今宵好風月獨此荒庭趣露
葉傾暗光流星委餘素但恐清夜徂詎悲朝景暮

孟月夏猶淺竒雲未成峰度霞紅漠漠壓浪白溶溶玉

委有餘潤飈馳無去蹤何如捧雲雨噴毒隨蛟龍

流芳遞炎景繁英盡寥落公署香滿庭晴霞覆闌樂裁
紅起高談綴綠排新萼憑此遣幽懷非言念將謳

紅絲散芳樹旋轉光風急煙泛被籠香露濃妝面溼佳
人不在此恨望堦前立忽厭夏景長今春行已及

百舌漸吞聲黃鸝正嬌小雲鴻方警夜籠鷄已鳴曉當
特客自適運去誰能矯莫厭夏蟲多蜩螗定相擾

翩翩簾外燕戢戢巢內雛啖食筋力盡毛衣成紫襦朝

來各飛去雄雌梁上呼養子將備老惡兒那勝無

西山夏雪消江勢東南鴻風波高若天濫瀨低於馬正
被黃牛旋難期白帝下我在平地行翻憂濟川者

靈均死波後是節常浴蘭綵縷碧筠糓香杭白玉團澌
者良自苦今人反為歡哀哉徇名士沒命求所難

解秋十首

清晨顰寒水動搖襟袖輕翳翳林上葉不知秋暗生回
悲鏡中髮華白三四莖豈無滿頭黑念此衰已萌

微霜纔結露翔鳩初變鷹無乃天地意使之行小懲鳩
號誠可惡蔽日有高鵬捨大以擒細我心終不能
往歲學仙侶各在無何鄉同時驚名者次第鶴鷺行而
我兩不遂三十鬢添霜日暮江上立蟬鳴楓樹黃
後伏火猶在先秋蟬已多雲色日夜白驕陽能幾何壞
隙漏江海忽微成網羅勿言時不至但恐歲蹉跎
新月纔到地輕河如泛雲螢飛高下火樹影參差文露
簟有微潤清香時暗焚夜閒心寂默洞庭無垢氛

霽麗牀前影飄蕭簾外竹簾涼朝睡重夢覺茶香熟親
烹園內葵憑買家家麴釀酒并毓蔬人來有碁局
寒竹秋雨重凌霄晚花落低回翠玉梢散亂梔黃萼顏
色有殊異風霜無好惡年年百草芳畢意同蕭索

春非我獨春秋非我獨秋豈念百草死但念霜滿頭頭
白古所同胡為坐煩憂茫茫百年內處身良未休

西風冷衾簾展轉布華茵來者承玉體去者流芳塵適
意醜為好及時踈亦親衰周仲尼出無乃為妖人

漠漠江面燒微微楓樹煙今日復今夕秋懷方浩然況
我頭上髮衰白不待年我懷有時極此意何由詮

遣病十首

服藥備江瘴四年方一癘豈是藥無功伊予久留滯滯
留人固薄瘴久藥難制去日良已甘歸途奈無際

棄置何所任鄭公憐我病三十九萬錢歲入之大率資予養
頑暝身賤殺何益恩深報難罄公其萬千年世有天之

鄭

憶作孩稚初健羨成人列倦學厭日長嬉遊念佳節今
來漸諱年頓與前心別白日速如飛佳晨亦騷屑

昔在痛飲場憎人病辭醉病來身怕酒始悟他人意怕
酒豈不閒悲無少年氣傳語少年兒杯盤莫迴避

憶初頭始白晝夜驚一縷漸及鬢與鬚多來不能數壯
年等閒過過上如字下音戈壯年已五華髮不再青勞生竟何

補

在家非不病有病心亦安起居甥姪扶藥餌兄嫂看今

病兄遠路道遙書信難寄言嬌小弟莫作官家官

燕巢官舍內我爾俱為客歲晚我獨留秋深爾安適風
高翅羽垂路遠煙波隔去去玉山岑人間網羅窄

簷宇夜來曠暗知秋已生臥悲衾簟冷病覺支體輕炎
昏豈不勸時去聊自驚浩歎終一夕空堂天欲明

秋依靜處多況乃凌晨趣深竹蟬晝風翠草衫曉露庭
莎病看長林果閒知數何以強健時公門日勞駕

朝結故鄉念暮作空堂寢夢別淚亦流啼痕橫枕昔

愁憑酒遣今病安能飲落盡秋槿花離人病猶甚

寒

江瘴節候暖臘初梅已殘夜來北風至喜見今日寒扣
冰淺塘水擁雪深竹闌復此滿尊醕但嗟誰與歡

玉泉道中作

楚俗物候晚孟冬纔有霜早農半華實夕水含風涼遐
想雲外寺峰巒渺相望松門接官路泉脈連僧房微露
上弦月暗焚初夜香谷深煙靄淨山虛鐘磬長念此清

境遠復憂塵市妨行行即前路勿滯分寸光

遣病

自此通州後作

自古誰不死不復記其名今年京城內死者老少并獨孤纔四十秘書少監郁仕宦方榮榮李三三十九監察御史顧言登朝有清聲趙昌八十餘三擁大將旌為生信異異之死同冥冥其家哭泣愛一一無異情其類嗟歎惜各各無重輕萬齡龜菌等一死天地平以此方我病我病何足驚借如今日死亦足了一生借使到百年不知何所成

况我早師佛屋宅此身形捨彼復就此去留何所繫前身為遇跡來世即前程但念行不息豈憂無路行蛻骨龍不死蛻皮蟬自鳴胡為神蛻體此道人不明持謝愛朋友寄之仁弟兄吟此可達觀世言何足聽

感夢

夢故兵部裝尚書相公

十月初二日我行蓬州西三十里有館有館名芳溪荒郵屋舍壞新雨田地泥我病百日餘一作餘日肌體顧若剗氣填暮不食早早掩竇圭陰寒筋骨病夜久燈火低忽

然寢成夢宛見顏如珪似歎久離別嗟嗟復悽悽問我

何病痛又歎何棲棲答云痰滯久與世復相睽重云痰

小疾良藥固易一作宜擠前時奉橘丸攻疾有神功何不

善和療豈獨頭有風

予頃患痰頭風踰月不差裴公教服橘皮朴硝丸數月而愈今夢中

復徵前說故盡記往復之詞

殷勤平生事款曲無不終悲歡兩相極

以是半日中言罷相與行行古城裏同行復一人不

識誰氏子逡巡急吏來呼喚願且止馳至相君前再拜

復再起啓云吏有奉奉命傳所旨事有大驚忙非君不

能理答云久就閒不願見勞使多謝致勤勤未敢相唯
唯我因前獻言此事愚可料亂熱由靜消理繁在知要
君如冬月陽奔走不必召君如銅鏡明萬物自可照顧
君許蒼生勿復高體調相君不我言顧我再三笑行行
及城戶點點餘日暉相君不我言一作握手命我從此歸
不省別時語但省涕淋漓覺來身體汗坐卧心骨悲閃
閃燈背壁膠膠雞去塢倦童顛倒寢我淚縱橫垂淚垂
啼不止不止啼且聲啼聲覺僮僕僮僕撩亂驚問我何

所苦問我何所思我亦不能語慘慘即路歧前經新政
縣今夕復明辰寘寘滿心氣不得說向人竒哉趙明府
怪我眉不伸云有北來僧住此月與旬自言辨貴骨謂
若識天真談遊費闊景何不與逡巡僧來為予語語及
昔所知自言有竒中裴相未相時讀書靈山寺住處接
園籬指言他日貴晷刻似不移我聞僧此語不覺淚歎
歎聲去因言前夕夢無人一相謂無乃裴相君念我胸中
氣遣師及此言使我盡前事僧云彼何親言下涕不已

我云知我深不幸先我死僧云裴相君如君恩有幾我
云濶濶衆好直者皆是唯我與白生感遇同所以官學
不同時生小異鄉里拔我塵土中使君名字美美名何
足多深分從此始一作治吹噓莫我先頑陋不我鄙往往
裴相門終年不曾履相門多衆流多譽亦多毀如聞風
過塵不動井中水前時予掾荆公在期復起自從裴公
無吾道甘已矣白生道亦孤讒謗銷骨髓司馬九江城
無人一言理為師陳苦言揮涕滿十指未死終報恩師

聽此男子

和東川李相公慈竹十二韻

次本韻

慈竹不外長密比青瑤華矛攢有森束玉粒立一作無蹉跎

纖粉妍膩質細瓊交翠柯亭亭霄漢近靄靄雨露多

冰碧寒夜聳簫韶風晝羅煙含朧朧影月泛鱗鱗波鸞

鳳一已顧燕雀永不過幽姿媚庭實顥氣爽一作陵天涯

峻節高轉露貞筠寒更佳託身仙壇上靈物神所呵時

與天籟合音日聞陽春歌應憐孤生者摧折成病一作沈

臥疴
作

御定全唐詩卷四百二